



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : THE SALVATION ARMY TIN KA PING SCHOOL

**學校名稱** : 救世軍田家炳學校

**Name of Play 劇名** : 快樂的根源

**Script writer 劇作者** : 邱建豐老師

**Synopsis 故事大綱 :**

故事是關於兩個來自完全不同的家庭背景的孩子，一個是家境富裕的黃芊芊，而另一個是家境清貧的馮小聰，兩人都對快樂有著不一樣的想法。小聰與芊芊的成績一向都名列前茅，芊芊為要贏過小聰，不惜跟蹤小聰，誓要找出小聰比自己強的秘密……



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

## 序幕

老師： 大家好，我係一位老師嚟嘅，你地可以叫我蔡 SIR。我有一件事，係一件真得嚟又唔算係好真，假得嚟又唔算係好假嘅事想同大家分享。不過响同大家分享呢件事之前想問吓大家一個問題：你地知唔知乜嘢叫快樂呢？

(留少少空間給觀眾俾反應)

(6 個演員出場在台上行逛)

老師： 快樂是一種感受良好時的情緒反應，一種能表現出心理狀態的情緒。而且常見的成因包括感到對健康、安全、愛情等之滿足。快樂最常見的表達方式就是笑。通常我們認為達到快樂，是需要喜愛自己從事的工作和愛。資料來源：維基百科

老師： 咁對於你地嚟講，你地又覺得點先會快樂呢？

(聰轉身)

聰： 由朝玩到黑，乜都唔駛做

老師： 如果我俾你一日二十四小時、一年三百六十五日，不眠不休咁打機，打足三年，然後你得到嘅係肌肉勞損、生骨刺、頸椎移位、抽筋、社交焦慮、抑鬱症、情緒失控、最後仲有自殘傾向，咁你仲快唔快樂吖？

(晴轉身)

晴： 唔駛郁，一直瞓响張床度

老師： 如果俾你每日不斷瞓完就醒，醒完又瞓醒又，你人生餘下嘅所有時間都只可以响張床上面，所有嘅起居飲、大小二便都不能自己，咁你仲快唔快樂？

(MARIA 轉身)

MARIA： 咩都唔緊要，我最緊要靚

老師： 我俾你靚足一世，住靚屋、著靚衫、坐靚車、食靚嘢，但係要你一世對住一個全宇宙最樣衰嘅男人，咁你又快唔快樂？

(芊媽轉身)

芊媽： 我食飽就得嫁喇

老師： 保證你一定飽，但係俾你食得唔痾得，咁又如何呀？

(芊轉身)

芊： 自由自在，無人管我

老師： 放你响亞馬遜森林入面生活，你絕對可以自由自在，無人管你，不過獅子、猛獸、食人魚、食人花、食人族，得閒就過嚟關心吓你又會點？



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(芊爸轉身)

芊爸： 有錢，做乜都得

老師： 呢位先生，好似好有見地咁喎

芊爸： 有錢萬萬都行，冇錢就晚晚頭痕

老師： 唔通一個人只要有錢就真係會快樂？响無幾耐之前我就經歷咗一件咁嘅事.....

(LIGHT CHANGE)

**第二幕 嫌隙之始**

(大幕開，班房景)

老師： 今次上學期考試嘅成績出咗喇，而今次考到全級第一嘅同學，又係响我地班喎

(芊、Maria 出)

黃芊芊： Wait a minute! Wait a minute!

嘩，盞光管咁「殘」眼嘅，MARIA，太陽眼鏡

MARIA： YES,小姐

(連帶開傘，電風扇)

MARIA： 小姐，嚟飲啖水吖。

黃芊芊： 做咩啫你，我都有話口渴，咪咁煩啦。

MARIA： YES,小姐，SORRY，小姐。

老師： 阿黃芊芊同學，你已經遲到嫁啦，唔該你盡快坐低吖。

黃芊芊： OK!OK!OK! SORRY,呀蔡 SIR，頭先我入嚟果陣，你講緊啲咩話？

MARIA： 小姐，阿 SIR 頭先講緊邊個考全級第一呀。

黃芊芊： 哦，咁唔駛問蔡 SIR 啦，個答案梗係

MARIA： 小姐你啦。

老師： 咳，咳，阿黃芊芊同學你都係全級，不過係全級第二，考到全級第一嘅係馮小聰同學呀！

黃芊芊： 有冇搞錯呀，我日補夜補先考得個全級第二，點解又係隻四眼肥龜考第一嫁。

MARIA： 唔駛審肯定有蠢惑啦。

黃芊芊： 九乘九出貓啦。

馮小聰： 唔係呀，唔係呀，我真係靠我自己努力考個第一番嚟呀。雖然我有錢去補習，但係每一堂老師講嘅我都好留心去聽嫁，仲有呀，每一晚做完功課我都會溫習。你地信我啦，我真係冇出貓嫁。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

黃芊芊： 唔好講笑啦，而家咁嘅年代唔駛補習都可以考第一？！真係信你一乘，雙目失明呀。我就唔信喇，我話你十乘十肯定係出貓。MARIA 你話係唔係呀？

MARIA： 係呀.....係呀。

馮小聰： 冇呀，我真係冇呀。

老師： 黃芊芊同學，你唔好冤枉人喎，首先我相信小聰絕對唔係咁樣嘅人，其次你技不如人，仲侮辱同學，太唔要得喇。

黃芊芊： 我冤枉佢？！蔡 sir 我而家好懷疑你有心包庇佢喎！好！我而家就去搵校長，我就叫佢查清楚，究竟你隻四眼肥龜係點樣出貓嘅，到時我睇吓你仲有冇得唔認。我地走。哼！

(芊與 Maria 離開)

(LIGHT CHANGE)

### 第三幕 學校門外

(芊，MARIA STANDBY)

黃芊芊： 冇冇搞錯呀，要我响學校門口等咁鬼耐，想熱死我咩。

(MARIA 忙著為芊抹汗，拿風扇)

芊母： 哎咗，我芊芊寶貝女咩事 CALL 得我地咁急，仲要發咁大脾氣呀？

(芊母上前安慰，芊不領情，發脾氣甩開芊媽)

黃芊芊： 咪又係果個咁嘅馮小聰囉，今次又俾佢攞咗我個全級第一呀。

(芊爸講著手提電話入)

芊母： 哦，咁樣呀，唔緊要，唔緊要，一定係你的補習老師唔夠好啫，等媽咪幫你換過一批好的嘅，最緊要呢，就係我寶貝女開心，要洗幾多錢絕對唔係問題。

(芊行向芊爸)

黃芊芊： 我真係唔明呀，佢窮到連一個補習老師都請唔起呀，我就一科一個，連聖經科都特別請個牧師嚟教我呀，我都仲係考得個第二，你話有冇搞錯咩，激死人呀！

(芊瞄芊爸，芊爸仍在講電話)

黃芊芊： (大聲)哼.....

芊爸： 唔同你講住呀，我寶貝女發脾氣呀，總之啲嘢你同我搞掂佢。係.....係咁啦。(收線)  
阿女，咩事呀，今次又邊個激親你呢？

芊媽： 哎咗，咪又係果個，咩咩馮咩.....馮.....馮小聰囉，佢又搶咗我地個女個全級第一呀。